


COVID-19 Pres Rilis Updeit 8 Septemba 2022




Port Vila, 8 Septemba 2022: Ministri blong helt hemi wantem apdetem ol pablik long situesen blong tede long covid-19 long kaontri mo long ol apropiet o stret fasin blong pablik mo ol sosol mesas. Long 8 septemba 2022, i kat 77 aktiv keis blong covid-19 we oli ripotem long vanuatu. Hemia i wan inkris komperem long tu (2) wik period we i pas. Mo i luk olsem i kat plante keis blong covid-19 we oli no ditektem long vanuatu from i no kat inaf testing mo ripoting. Mo i stap shoem tu se bae i kat inkris namba blong ol keis mo man i admit long hospital long ol wik we oli stap kam yet. Ol ri-infeksen oli bin ditektem tu long ol pipol we oli bin kasem fastaem finis sik covid-19 long vanuatu.

Ministri blong helt hemi kontiniu blong rivi situesen mo bae hemi provaedem apdeit long pablik sipos i kat nid. Varian omicron we i stap ko ko raon mo varian delta we oli neva ditektem long ol komuniti blong vanuatu mo varian ia i no mo konsida olsem wan tret/denja long ol wol. Oli bin sendem ol sampol long australia blong go tru long sam mo testing mo yumi expektem risalt long samtaem nekis wik.

Ministri blong helt hemi stap emfasaes impotens blong pablik mo sosol mesas. Mo blong sloem daon spred blong covid-19 long vanuatu, yumi enkarejem ol pablik blong:

1. Washem han plante taem wetem sop mo wota, o usum han sanitaesa. Ol kavman dipatmen mo ol bisnis haus oli mas mekem sua se ol han washing stesen oli stap wok gud mo oli usum long stret fasin
2. Yumi enkarejem ol pipol blong werem mask mo praktisim fisikel distensing long ol ples/spes we oli sat, kraoded mo konfaen


COVID-19 Pres Rilis Updeit 8 Septemba 2022



3. Sipos yu experiensem eni saen o simptom blong covid -19 bae yu mas mekem wan test. Ol komon simptom olsem kof, fiva, hed i soa, bodi i so so , nus i ronron ,trot i soa, mo taet tumas. Test blong covid -19 i avelebol long ol helt fasiliti mo ol famasi blong olgeta we oli kat ol simptom
4. Sipos yu experiensem ol simptom be yu no save mekem wan test olsem bae yu stap long hom nomo mo ridiusum ol kontakt blong yu o werem mask taem yu stap wetem ol nara pipol
5. Stap long aesolesen kasem taem we ino mo kat fiva mo situesen blong yu ino strong tumas o ino kat niu simptom blong abaot 48 haoa. Sikim medikel kea sipos ol simptom oli no impruv long 5 dei o sipos yu experiensem eni denja saen. Ol denja saen hemi inkludum no save pulum win gud, no save toktok o muvmuv. Yu luk konfius o no save wekap i stap o wekap, mo jest i soa oltaem o filim se jest i tait olsem se wan man i sitdaon long jest i stap, i kat sivia o hed i soa nogud long sam dei, mo filim se yu stap wik sloslo.
6. Sipos yu kat kontakt wetem wan narafala man we hemi konfem se hemi kat covid -19 mo hemi no kat simptom, yu shud praktisim hanwashing, werem mask long pablik mo praktisim fisikel distensing long 5 dei taem we i posibol
7. Ol covid -19 vaksin inkludum ol busta oli kontiniu blong protektem yumi akensem sivia/strong disis, admit long hospital mo ded long ol varian we oli stap koko raon. Sipos yu no kasem ol praemeri covid -19 vaksin seris, kam fowod blong tekem vaksinesen blong yu. Sipos yu no komplitim ol praemeri seris ia yet yu save kam fowod blong tekem fes o seken dos busta. Ol infomesen long vaksinesen oli provaedem long ol provinsel helt sevis.

Ol travela

COVID-19 Pres Rilis Updeit 8 Septemba 2022



From long situesen we i stap tedei we covid -19 i stap ko raon raon yet long vanuatu, ol travela oli ripresentem wan smol adisenal inkris. Hemia nao, mo stat long Mondei 12 septemba 2022, bae i kat tu (2) jenjes long ol rikwaemen blong intanasonal travela i kam long vanuatu.

Fes wan, bae rikwaemen blong test long covid -19 bifo travel i kam long vanuatu bae i rimuv /stop. Eniwan i wantem travel i kam long vanuatu bae hemi no nid blong mekem test fastaem sipos oli no kat simptom blong covid -19. Be yumi kontiniu blong askem se eniwan we i sik wetem covid – 19 o hemi kat ol nara simptom bae hemi shud posponem travel blong hem i kam long vanuatu.

Seken jenj i talem se mask ino mo rikwae blong werem long ol flaet blong kam long vanuatu mo long taem we yu araev long eapot long vanuatu. Be, ministri blong helt i kontiniu blong rikomendem ol use blong hem, espeseli long olgeta ia we oli valnerabol long sivia/strong covid -19. Ol ealaen mo ol ship oli save rikwestem blong werem mask anda long spesifik kondisen.

Ol travela blong kam long vanuatu inkludum ol turis we oli test positiv long covid – 19 taem we oli stap long vanuatu bae oli rikwestem olgeta blong stap long aesolesen. Long ol turis, aesolesen i save tekem ples long wan hotel o risot. Yumi enkarejem ol visita blong kat travel insurens

Wetem ol rienfosmen blong pablik mo sosol mesas, yumi hope se bae spred blong covid – 19 long vanuatu bae i kam daon. Yumi mekem spesel kol i go long pablik blong tekemap gud ol mesas we oli aotlaenem i stap. Yumi save wanem blong mekem mo yumi bin go tru long hem bifo. Yumi everiwan mas tekem kwik aksen blong priventem enimo siknes.

Faenem moa infomesen we i avelebol long covid -19 website long www.covid19.gov.vu, tru long 119 helt infomesen hotlaen, o long health promotions vanuatu facebook page.



Ministry of Health
Vanuatu Government

COVID-19 Pres Rilis Updeit 8 Septemba 2022

